

Na osnovu člana 61. stav (1) Zakona o budžetima u Federaciji Bosne i Hercegovine („Službene novine Federacije BiH”, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), te na osnovu tačke VI. Odluke o procedurama za dodjelu finansijskih sredstava iz Tekuće rezerve Budžeta Federacije Bosne i Hercegovine („Službene novine Federacije BiH”, broj: 106/14 i 24/25), Premijer Federacije Bosne i Hercegovine donosi

ODLUKU

o planu i kriterijima korištenja sredstava Tekuće rezerve premijera iz Budžeta Federacije Bosne i Hercegovine za 2025. godinu

I.

Ovom odlukom definiraju se plan i kriteriji korištenja sredstava Tekuće rezerve premijera iz Budžeta Federacije Bosne i Hercegovine za 2025. godinu („Službene novine Federacije BiH”, broj: 7/25) razdjel 12, glava 1208, pozicija Tekuća rezerva Premijera u iznosu 100.000,00 KM.

II.

Sredstva iz tačke I. ove odluke koristit će se prema planu i kriterijima kako slijedi:

- podrška talentiranim sportistima, đacima i studentima, kao i univerzitetskim i naučnim radnicima i njihovom sudjelovanju na domaćim i međunarodnim sportskim, stručnim i ekspertnim skupovima;
- podrška aktivnostima koje imaju za cilj sprječavanje, ublažavanje i otklanjanje socijalne ugroženosti svih osoba koje evidentno imaju otežane životne uslove i poboljšanje standarda djece, starih i nemoćnih osoba, osoba koje same ili uz pomoć članova porodice ne mogu zadovoljiti osnovne životne potrebe, zbog nepovoljnih ličnih, ekonomskih, socijalnih i drugih okolnosti, prognanih, izbjeglih i raseljenih osoba, boraca i boračkih udruženja kao i drugih nepobrojanih kategorija građana u stanju socijalne potrebe;
- podrška u obnovi, sanaciji i izgradnji objekata stanovanja, predškolskog odgoja, osnovnog, srednjeg i visokog obrazovanja, sportskih, vjerskih i objekata lokalne infrastrukture;
- podrška autorima književnih djela;
- podrška pri organiziranju kulturnih, sportskih, naučnih, vjerskih i drugih manifestacija koje imaju društvenu vrijednost i podrška obilježavanju značajnih historijskih datuma;
- podrška neprofitnim organizacijama, udruženjima i nevladinom sektoru čiji je djelokrug rada vezan za: slučajeve nestalih osoba, pronalaženje, ekshumaciju i identifikaciju

nestalih osoba i saradnju sa sudovima, tužilaštvima i organizacijama koje su aktivno uključene u rješavanje pitanja nestalih osoba;

- podrška neprofitnim organizacijama, udruženjima i nevladinom sektoru čiji je djelokrug rada vezan za: zaštitu ljudskih prava i sloboda, pomoć u realizaciji projekata vezanih za povratak izbjeglih i raseljenih osoba, očuvanje kulturnih vrijednosti, promociju volonterskog i humanitarnog rada, unapređenje kvalitete življenja, zaštite zdravlja i životne sredine,
- podrška i u drugim slučajevima humanitarnog i socijalnog karaktera,
- podrška i u drugim slučajevima u kojima to odluči Premijer Federacije Bosne i Hercegovine.

III.

Korisnici sredstava iz tačke I. ove odluke mogu biti fizička lica, pravna lica, udruženja, organizacije i niži nivoi vlasti, koji se zahtjevom za pomoć obrate Premijeru Federacije Bosne i Hercegovine, a koji udovoljavaju kriterijima iz tačke II. ove odluke.

IV.

O odobrenju i visini novčane pomoći u svakom pojedinačnom slučaju odlučuje Premijer Federacije Bosne i Hercegovine.

V.

Za realizaciju ove odluke zadužuju se Ured premijera/predsjednika Vlade i uredi dva zamjenika premijera/predsjednika Vlade Federacije Bosne i Hercegovine i Federalno ministarstvo finansija – Federalno ministarstvo financija, svako u okviru svojih nadležnosti.

VI.

Odluka o planu i kriterijima korištenja sredstava Tekuće rezerve premijera iz Budžeta Federacije Bosne i Hercegovine za 2025. godinu broj: 01-02-92/25 od 07.02.2025. godine stavlja se van snage.

VII.

Ova odluka stupa na snagu danom donošenja.

Broj: 01-02-92-1/25
Sarajevo, 03.04.2025. godine

